

OKVIRNOG SPORAZUMA

Za nabavku goriva i maziva za službena vozila i poljoprivredne mašine za Javnu Ustanovu Terapijsku zajednicu – Kampus Kantona Sarajevo

Zaključen između:

1. Javna ustanova Terapijska zajednica Kampus Kantona koju zastupa v.d.direktor Adis Hadžić,
Adresa :Iznad sela Kešelji BB – Rakovica, Sarajevo;
ID broj: 4201068160006;
Tel/fax: 033/ 405-165 (u daljem tekstu: Ugovorni organ),

i

2. Hifa-petrol d.o.o Sarajevo, koju zastupa direktor Hajrudin Ahmetlić,
Adresa: Hotonj BB Vogošća- Sarajevo,
ID broj: 4200999090005
Tel/fax: 033/ 584- 370 (u daljem tekstu: Prodavac),

Član 1.

Predmet ovog okvirnog sporazuma (u daljem tekstu sporazum) je nabavka i sukcesivna isporuka roba (goriva i maziva) za potrebe Ugovornog organa i to:

- 4.200 litara dizel EN 590 EURO 5 (10 ppm),
- 400 litara BMB 95 EN 228 ,
- 10 litara ulja dvotaktol Hg Line 2t oil,
- 15 litara motornog ulja 10W40

u svemu prema zahtjevima Ugovornog organa iz tenderske dokumentacije ponude izabranog Dobavljača čiji su dijelovi prilog i sastavni dio ovog sporazuma.

Ovim okvirnim sporazumom ugovorne strane su saglasne da mogu tokom cijelog ugovornog perioda zaključivati ugovore iz oblasti za koje je proveden predmetni otvoreni postupak javne nabavke.

Mjesto isporuke roba su benzinske pumpama Prodavca.

Član 2.

Ukupna ugovorena vrijednost iz člana 1. ovog sporazuma za period od 12 (dvanaest) mjeseca iznosi:

- Ukupna vrijednost ovog sporazuma (bez PDV-a) iznosi: **7.430,75 KM**
(slovama: sedamhiljadačetristotine 75/100 KM),
- PDV (17%) iznosi: **1.263,23 KM,**
- UKUPNA VRIJEDNOST/CIJENA sporazuma (sa PDV-om) iznosi: **8.693,98 KM,**
- (slovima: osamhiljadašeststotinadevedesetri 98/100 KM)

Ugovorne cijene utvrđene su na paritetu DDP benzinska pumpa dobavljača.

Za motorno gorivo EURODIZEL 5 (EN-590) - jedinična cijena iznosi 1,59 bez PDV-a.

Za motorno gorivo benzin bezolovni BMB 95 – jedinična cijena iznosi 1,59 bez PDV-a.

Za ulje dvotaktol Hg Line 2t oil – jedinična cijena iznosi 5,33 bez PDV-a.

Za motorno ulje 10W40 – jedinična cijena iznosi 4,23 bez PDV-a.

Okvirni sporazum zaključuje se na bazi promjenjive jedinične cijene, prema sljedećim pravilima:

referentna prosječna cijena motornih goriva utvrđuje se na osnovu saopštenja Agencije za statistiku BiH, Prosječne potrošačke cijene u BiH, za mjesec u kojem je izvršeno otvaranje ponuda;
referentna ponuđena cijena motornih goriva je jedinična cijena iz ponude ponuđača sa uračunatim ponuđenim popustom;

u slučaju da, u mjesecu za koji se vrši obračun (prethodni mjesec), prosječna cijena motornih goriva, prema saopštenju Agencije za statistiku BiH, odstupa za +/- 5% u odnosu na referentnu prosječnu cijenu motornih goriva, dobavljač ili naručilac mogu tražiti korekciju cijene goriva za taj mjesec;

korekcija ponuđene cijene vrši se u procentu (+ ili -, zaokruženo na dvije decimale) za koji je promjenjena referentna prosječna cijena, a vrši se u odnosu na referentnu ponuđenu cijenu; novoformirana jedinična cijena će služiti kao osnova za fakturisanje novih isporučenih količina, sve do nove korekcije cijene, odnosno sve do zahtjeva jedne od ugovornih strana za korekcijom cijene; podaci o prosječnim cijenama motornih goriva dostupni su na web stranici Agencije za statistiku BiH, <http://www.bhas.ba/saopstenja>.

Član 3.

Na osnovu ovog okvirnog sporazuma ugovorne strane će zaključiti pojedinačne ugovore pod uslovima utvrđenim obavještenjem o nabavci, tenderskom dokumentacijom i u skladu sa važećim propisima koji regulišu ovu oblast.

Preuzimanje roba za Ugovornog organa će se vršiti putem elektronskih kartica u skladu sa tehničkom mogućnosti Dobavljača.

Ugovorni organ će Dobavljaču po potpisivanju ovog ugovora predati spisak motornih vozila sa registarskim oznakama koja će preuzimati tečna goriva. U slučaju promjena podataka sa spiska isti će biti pravovremeno pismeno dostavljeni Dobavljaču.

Tokom trajanja ovog Okvirnog sporazuma Dobavljač će vršiti isporuku motornog goriva i za vozila koja naknadno postanu vlasništvo Ugovornog organa.

Član 4.

Ugovorni organ i Dobavljač su saglasni da se fakturisanje i plaćanje roba iz člana 1 ovog Sporazuma izvrši sukcesivno po ispostavljenim mjesečnim fakturama, u roku od 30 (trideset) dana nakon ispostavljanja.

Jedinične cijene navedene na računima Dobavljača neće se razlikovati od cijena koje je Dobavljač naveo u svojoj ponudi, izuzev slučajeva utvrđenih u članu 2 ovog Sporazuma.

Fakture ispostavljati i dostavljati na adresu: **Javna Ustanova Terapijska zajednica – Kampus Kantona Sarajevo**, Iznad sela Kešelji bb.

Dobavljač je saglasan da Ugovorenom organu neće zaračunavati zatezne kamate za zakašnjenje pri plaćanju preko „Trezora“, ako je Ugovoreni organ u ugovorenom roku unjeo nalog za plaćanje u sistem „Trezora“.

Član 5.

Isporuka roba vršit će se sukcesivno, svakodnevno u skladu sa potrebama Ugovornog organa na ugovorneim benzinskim pumpama Dobavljača nakon stupanja Sporazuma na snagu.

Početak realizacije Okvirnog sporazuma je 10.02.2020. godine

Ugovorni organ zadržava pravo nabaviti količine koje su manje od količina koje su navedene u tenderskoj dokumentaciji u slučaju nastanka nepredviđenih okolnosti u odvijanju poslovnih procesa tijekom trajanja roka za ispunjenje ugovora.

Član 6.

Ugovorni organ se obavezuje da:

- dostavi spisak vozila sa svim potrebnim podacima.
- izvrši obaveze iz člana 4. Ugovora.

Član 7.

Dobavljač se obavezuje da:

- odgovara za urednu realizaciju Ugovora, štiti interese Ugovornog organa,
- u slučaju promjene (povećanje/smanjenje) jediničnih cijena iz ugovorne specifikacije dostavi Ugovornom organu obavjest o važećim maloprodajnim cijenama goriva,
- vrši isporuku motornog goriva sa kvalitetom u skladu sa važećim standardima i priloženim certifikatom o kvalitetu motornog goriva,

- na zahtjev Ugovornog organa periodično dostavlja atest o kvalitetu goriva izdat od nadležnog organa,
- nadoknadi svu štetu utvrđenu od strane nadležnog organa koja je nastala isporukom neadekvatnog i nekvalitetnog motornog goriva na benzinskim stanicama Dobavljača,
- izvrši isporuku motornog goriva za vozila sa ovjerenim pismenim nalogom potpisanim od odgovornog lica i vozača,
- motorna vozila ugovornog organa svrsta u „prioritete” što znači da će u svakom momentu imati posebno rezervisane količine tečnih goriva i da vrši nesmetano snadbjevanje vozila Ugovornog organa u bilo kom trenutku neovisno od situacije na tržištu,

Član 8.

Dobavljač garantuje da je roba isporučena na osnovu Sporazuma/Ugovora u skladu sa specificiranim standardima i zahtjevima i da nema nedostatke koji onemogućuju ili umanjuju vrijednost robe ili redovnu upotrebu. Dobavljač garantuje funkcionalne osobine robe u skladu i u okvirima zadanim u troškovniku pod specificiranim normalnim uslovima upotrebe.

Isporučeno motorno gorivo mora u svakom momentu odgovarati certifikatu o kvaliteti i hemijskom sastavu goriva, izdan od firme koja je imenovana od strane Federalnog ministarstva trgovine ili Ministarstva trgovine Republike Srpske, rješenjem o poduzećima koja obavljaju ispitivanje kvaliteta proizvoda (Službene novine F BiH 46/98).

Član 9.

Ukoliko dobavljač ne bude isporučivao motorno gorivo sukladno zahtjevima Ugovornog organa iz tenderske dokumentacije i specifikaciji, Ugovorni organ može dobiti takvo motorno gorivo i zatražiti od Dobavljača isporuku koja odgovara njegovim zahtjevima, odnsono koje je ugovoreno.

Član 10.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam) dana od nastanka više sile na način koji je u datoj situaciji moguć.

Pod višom silom u smislu predhodnog stava podrazumjeva se događaj ili okolnost koji nisu postojali u vrijeme potpisivanja ugovora, koji su nastali mimo volje i moći ugovornih strana, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Član 11.

Ovaj Sporazum stupa na snagu nakon potpisa ovlaštenih predstavnika ugovornih strana. Rok trajanja Okvirnog sporazuma za isporuku roba je: 12 (dvanaest) mjeseci od dana stupanja na snagu.

Nakon zaključenja okvirnog sporazuma, njegove odredbe ne mogu se mijenjati.

Član 12.

Kada jedna ugovorna strana ne ispuni svoju obavezu, druga strana može, ako nije drugačije određeno ovim sporazumom, zahtjevati ispunjenje obaveza ili, pod uslovima predviđenim ovim sporazumom i ugovorenim materijalnim pravom, raskinuti ovaj sporazum, ako raskid sporazuma ne nastupa po samom zakonu, a u svakom slučaju ima pravo na naknadu štete.

U slučaju raskida/djelimičnog raskida sporazuma, ugovorne strane imaju pravo na naknadu štete koju trpe zbog kršenja sporazuma/pojedinačnog ugovora od druge ugovorne strane.

Član 13.

Ugovorni organ i Dobavljač trebaju uložiti svaki napor da dogovorno riješe eventualne sporove koji nastanu temeljem ili u vezi Ugovora.

Ugovorne strane su saglasne da ukoliko Dobavljač u roku od pet (5) dana od dana prijema prijedloga okvirnog sporazuma na potpisivanje propusti da ugovornom organu dostavi potpisan okvirni sporazum, smatrat će se da je Dobavljač odbio da zaključi okvirni sporazum i da je to osnov za dostavljanje prijedloga okvirnog sporazuma drugorangiranom ponuđaču.

Ugovorne strane su saglasne da Dobavljač neće zapošljavati fizičke i/ili pravne osobe koje su sudjelovale u pripremi tenderske dokumentacije i /ili su bile član Komisije za javne nabavke Kupca ili su u svojstvu stručnog lica bile angažirane od strane Komisije za javne nabavke Kupca, prilikom dodjele ovog Sporazuma.

Sve nastale sporove ugovorne strane riješit će sporazumno, a ako to nije moguće spor će biti riješen pred nadležnim sudom u Sarajevu.

Ovaj sporazum sačinjen je u 4 (četiri) istovjetnih primjerka od kojih ugovorna strana zadržava po 2 (dva) primjerka.

Sastavni dio ovog sporazuma je Ponuda Dobavljača.

UGOVORENI ORGAN:

Javna Ustanova Terapijska zajednica -
Kampus Kantona Sarajëvo


v.d. direktor, Adis Hadžić

Broj: 35-06-07-65/20-13

Datum: 02.09.2020.god

DOBAVLJAČ:


Direktor, Hajrudin Ahmetlić

Broj: 2045/20

Datum: 08.09.20

